

baptismatis non carerent; 3º concilio Tridentino, sess. 5, can. 4, sic habenti: « Si quis parvulos recentes ab uteris matrum baptizandos negat, etiamsi fuerint a baptatis parentibus orti; aut dicit in remissionem quidem peccatorum eos baptizari, sed nihil ex Adam trahere originalis peccati, quod regenerationis lavacro necesse sit expiari... anathema sit. » Ergo. Restat ergo examinandum an B. V. Maria in conceptione sua ab originali labe fuerit immunis.

§ UNICUS. — De immaculata Conceptione B. Mariæ Virginis.

Omnis catholici semper confessi sunt B. Virginem Mariam ante ortum fuisse sanctam. Unde nativitas ejus, sicut nativitas S. Joannis Baptiste, festo solemnii a multis saeculis celebratur: « In codice Sacramentorum Ecclesiae Romane per venerabilem cardinalem Thomasium edito, qui creditur esse S. Leonis Magni aliorumque prædecessorum Pontificum, habetur Missa in Nativitate S. Mariæ cum propriis orationibus... In libro Sacramentorum S. Gregorii sunt orationes ad matutinum, ad processionem et ad Missam in Nativitate B. Virginis Mariæ. » Sunt verba *Bened. XIV*, de festis B. Mariæ, l. 2, cap. 9.

Referente eodem Pontifice, ibid. cap. 15, n. 17, Emmanuel Comnenus, imperator Constantinopolitanus, anno 1180 vita functus, recensens festa quæ a populo essent observanda, memorat Conceptionem Genitricis Dei. Ex aliis testimoniosis in eodem loco recensisit constat illud festum jam fuisse vetus in Oriente: in Occidente vero S. Anselmus, Cantuariensis archiepiscopus, anno 1109 obitus, revelatione a quadam ejus regionis abbatte accepta permotus, quibusdam hanc festivitatem observare indulxit, juxta plures, aliis contradicentibus. Quidquid sit, certum est hoc festum in duodecimo saeculo celebratum fuisse in Anglia, ex Anglia in Normanniam, inde in Gallias et ad ecclesiam Lugdunensem transiisse tempore S. Bernardi, anno 1153 defuncti. Hoc idem festum

Romæ cœptum est celebrari ab aliquibus ætate S. Bonaventuræ, qui obiit anno 1274, ut ipse testatur in Sentent., l. 3, q. 4, nolens eos nec omnino laudare, nec simpliciter approbare: deinde mos illud celebrandi invaluit, universalis fuit, et Sixtus IV, in Constitutione anni 1483, ait: « Sane cum sancta Romana Ecclesia de intemeratæ semperque Virginis Mariæ Conceptione publice festum solemniter celebret, speciale ac proprium super hoc officium ordinaverit, etc. »

At circa ipsam B. Mariæ Virginis conceptionem non ita unanimis fuerunt theologi:

1º Plerique olim inter Thomistas opinabantur sanctam Virginem peccatum originale, sicut cæteros Adæ filios, contraxisse, et ab illo in utero matris sue speciali gratia mundatam fuisse, ut tenetur de Jeremia, ex cap. 1, 5: *Antequam exires de vulva, sanctificavi te*; et de S. Joanne Baptista, ex Luc. 1, 41 et 44. Nihilominus festum Conceptionis sincero cultu celebrabant, 1º quia conceptio Virginis, ad tanta mysteria destinata, verum fuit beneficium mundo concessum et pignus certum redemptionis; 2º quia haec sanctissima Virgo ex matre sterili non nisi per miraculum fuit concepta; 3º quia illud festum habere potest pro objecto conceptionem dictæ Virginis in gratia, seu illius sanctificationem in utero matris sue.

2º Quidam, vehementi zelo erga B. Virginem Mariam inflammati, docuerunt illam in æterno Dei decreto de futura peccati originalis existentia, supposito Adami lapsu, comprehensam non fuisse, atque ideo non tantum a macula illius peccati semper mundam, sed etiam ab ipsius debito exemptam fuisse.

3º Alii vero communius semper, et a pluribus saeculis fere unanimiter docebant quidem B. Virginem, ut pote ex Adamo carnali generatione descendentem, peccato originali, sicut cæteros, subjectam fuisse, sed Deum eam sanctificasse vi redemptionis futuræ, eo instanti quo formabatur, ita ut labem peccati nunquam de facto habeat; et licet hanc piissimam sententiam non ad fidem, ad constantissimam tamen veritatis doctrinam vindicabant.

Unde Bossuet, *Sermon sur la Conception*: « En vérité, cette opinion a je ne sais quelle force qui persuade les âmes pieuses. Après les articles de foi, je ne vois guère de chose plus assurée. » Ipsimet ordinis Praedicatorum patres ad communem doctrinam accesserant, siquidem a summo Pontifice Pio IX postulaverunt quod concepcionis B. V. Mariæ immaculata de fide catholica declararetur.

Hanc igitur dando tam optatam definitionem, nihil novi decrevit summus Pontifex, sed quod toto corde omnes tenebant suo infallibili iudicio confirmavit. Sint ergo duas propositiones sequentes quae ob omnibus teneri debent.

PROPOSITIO PRIMA.

B. Virgo Maria debitum peccati originalis habuit.

Probatur multiplici ratione. 1º Ex verbis B. Pauli ad Romanos, omnes ab Adamo carnali generatione descendentes in eo peccaverunt; nulla admittitur exceptio; at B. Virgo ab Adamo carnali generatione descendit: ergo. 2º Mors in omnes qui in Adamo peccaverunt pertransiit; sicque velut stipendum peccati exhibetur; atqui B. Virgo mortua est: ergo. 3º Christus est salvator omnium hominum, I ad Tim. iv, 10, ac proinde B. Virginis, sicut aliorum: si autem B. Virgo peccatum originale non habuerit etiam quoad debitum, quomodo redimi potuit? 4º E variis testimoniosis constat SS. Patres credidisse carnem B. Virginis fuisse carnem peccati, de peccato conceptam esse, etc., v. g.: « Solus homo factus, manens Deus, » peccatum nullum habuit unquam, nec sumpsit carnem » peccati, quamvis de materna carne peccati; » S. Aug. de Peccatorum, etc., t. x, p. 61. « Caro Mariæ quæ in iniquitatibus humana fuerat solemnitate concepta, » caro fuit utique peccati; » S. Fulgentius, lib. de Incarnatione et Gratia, cap. 6, n. 13. Hæc autem aliaque similia supponunt B. Virginem peccato originali saltem quoad debitum fuisse subjectam. 5º Auctoritate definitionis in-

fra scriptæ, quæ expressis verbis declarat beatissimam Virginem Mariam singulari omnipotentis Dei gratia et privilegio, intuitu meritorum Christi, ab omni originali culpe labore fuisse præservatam immunem. Ergo.

PROPOSITIO SECUNDA.

B. Virgo sine labe peccati fuit concepta.

Haec propositio est de fide, ut pote definita in decreto dogmatico a Pio IX dato 8 decemb. 1855, his verbis: « Auctoritate Domini Nostri Jesu Christi, beatorum Apostolorum Petri et Pauli, ac Nostra declaramus, pronuntiamus et definimus, doctrinam, quæ tenet beatissimam Virginem Mariam in primo instanti suæ Conceptio- nis fuisse singulari omnipotentis Dei gratia et privilegio, intuitu meritorum Christi Jesu Salvatoris generis hu- mani, ab omni originali culpe labore præservatam im- munem, esse a Deo revelatam, atque siccirco ab omnibus fidelibus firmiter constanterque credendum. »

Probatur insuper auctoritate concilii Tridentini, sum- morum Pontificum, Facultatis Parisiensis aliarumque Facultatum, et praxi Ecclesiæ.

1º *Auctoritate concilii Tridentini*, quod sess. 5, post decretum de peccati originalis existentia, addit: « Non esse suæ intentionis comprehendere in hoc decreto beatam et immaculatam Virginem Mariam, Dei Gen- tricem. » *Notandum* sanctum concilium emisisse con- clusionem ut declararetur positive beatam Virginem conceptam fuisse sine peccato; sed ob instantissimas pre- cies aliquorum theologorum sancti Dominici, ut supersede- rent a decreto usque ad aliud tempus, concilium superse- dit. S. Ligoriū, l. 7, n. 233. Jam antea doctrinam de Immaculata Conceptione B. Mariæ Virginis, tanquam piam et consonam cultui ecclesiastico, fidei catholicæ, rectæ rationi et Scripturæ, ab omnibus catholicis ap- probandam, tenendam et amplectendam, tradiderat

concilium Basileense. At cum illud concilium tunc illegitime sederet, ipsius declaratio non habet vim decreti; ostendit tamen opinionem tunc vigentem.

2º Auctoritate SS. Pontificum, nempe Sixti IV qui, in Constitutione superius citata, vetat, sub pena excommunicationis Romano pontifici reservata, ne quis asserere audeat eos qui tenent gloriosam atque immaculatam Dei Genitricem absque peccati originalis labe conceptam fuisse mortaliter peccare aut haereticos esse. Jam idem Pontifex, altera Constitutione anni 1476, indulgentias concesserat iis qui in festo Conceptionis Missam et officium a se approbatum recitarent, vel Horis canonicis adessent. Concilium Trid. has Sixti IV Constitutiones sub penis in eis contentis renovavit, loco citato.

S. Pius V, anno 1570, vetuit ne quis alterutram opinionem notare auderet tanquam erroneam, aut etiam de illa in publicis concionibus disceptare, propter scandala inde provenientia; bullas tamen Sixti IV ac decretum concilii Tridentini eadem Constitutione confirmavit; imo et pro toto orbe christiano, per Missale et Breviarium ejus cura et mandato edita, festum Conceptionis B. V. Mariæ confirmavit. Idem decretum et omnes præcedentes bullas confirmavit Paulus V, anno 1616, alias addens poenas contra eos qui parere detrectaverint. Gregorius XV, anno 1622, stricte prohibuit ne sententia immaculatae conceptioni adversa etiam in privatis actibus defenderetur, iis duntaxat exceptis quibus Sedes Apostolica id permisisset: permisit autem Dominicanis, dummodo privatim et inter se tantum ea de re sermonem haberent. Anno 1661, Alexander VII edidit Constitutionem, cui titulus: *Innovatio constitutionum et decretorum in favorem sententiae affirmantis animam B. Mariæ Virginis, in sua creatione, fuisse ab originali peccato præservatam, editorum.* Clemens XI, die 6 decembris 1708, festum Conceptionis de præcepto pro omnibus effecit, illudque capella Papali Benedictus XIV in perpetuum ampliavit.

Die 7 maii 1847, plusquam ducenti et quinquaginta

episcopi vel cathedralia capitula, etiam exceptis ordinum vel congregationum pluribus superioribus, a Gregorio XVI et a Pio IX obtinuerant facultatem *immaculatam* conceptionem sive in praefatione dicti festi, sive in litaniis profitendi, et ipsa Romana ecclesia, die 8 decembris 1847, illam similiter professa est. Tandem, Pius IX, requisito antea omnium episcoporum consilio per admirabilem Encyclicam *Ubi primum*, diligentissime explorata traditione, atque omnibus summa religione perpensis, idque rogantibus et expostulantibus totius Ecclesiae catholicæ episcopis, decreto superius allato, doctrinam de Immaculata Conceptione beatae Mariæ Virginis ab omnibus de fide tenendam solemniter declaravit.

3º Auctoritate Facultatis Parisiensis aliarumque Facultatum. Tempore concilii Basileensis, celebris illa Facultas jam tuebatur opinionem immaculatae conceptioni faventem: quoniam vero quidam doctores adversus illam disceptaverunt, etiam publice, et non sine populi scandalo, statuit, anno 1496, ut nemo deinceps sibi ascriberetur, « nisi promitteret sub juramento se pro viribus semper defensurum sententiam, quæ benedictissimam » Dei Matrem ab originali peccato, Dei singulari dono, » fuisse præservatam affirmat. » Aliæ Facultates theologicæ omniaque seminaria eamdem tenebant doctrinam. Ergo.

4º Praxi Ecclesiæ. Ubique enim nunc celebratur festum Immaculatae Conceptionis: ubique exstant sodalitates vel pia exercitia in honorem hujusce mysterii, publicantur indulgentiæ lucranda, eriguntur templa, exponuntur tabellæ, etc. Omnes fideles persuasum habent Ecclesiam docere B. Mariam vere immaculatam fuisse in sua conceptione, et nullibi pastores eos a tali persuasione revocare conantur, sed, e contra, eos magis ac magis in ea sententia obfirmant: ita ut, si hæc doctrina tanquam de fide definiretur, nulla fere nunc fieret immutatio in praxi Ecclesiæ et fidelium.

Etenim antequam definiretur dogma de Immaculata Conceptione, ubique celebrabatur festum hujus myste-

rii, et multis in locis, sub titulo Immaculatæ Conceptionis; ubique exstabant sodalites cum piis exercitiis in ipsius honorem, publicabantur indulgentie lucrandæ, erigebantur templa, exponebantur tabellæ, etc. Omnes tam fideles quam pastores, ita sane eos movente Spiritu sancto, mysterium hoc suo devotissimo cultu prosequabantur, persuasum habentes hanc esse mentem et votum Ecclesiæ; ita ut, interveniente dogmatica definitione, nulla vere facta est immutatio in praxi Ecclesiæ et fidelium.

Objiciuntur 1º *S. Bernardus* qui, in Epist. ad canonicos Lugdunenses, queritur ipsos novam inducere celebritatem *quam ritus Ecclesie nescit, non probat ratio, non commendat antiqua traditio*. In sermone 2 in Assumpt., n. 8, t. 1, dicit *quod si originalem a parentibus culpam traxit; sed minus a Jeremia sanctificatam in utero, aut non magis a Joanne Spiritu sancto repletam credere prohibet pietas christiana*. 2º *S. Th.* qui 3 part., q. 27, art. 2, ex professo docet B. Virginem in peccato originali fuisse conceptam.

Plerique recentes theologi demonstrare conantur hunc utrumque sanctum Doctorem immaculatæ conceptioni reipsa non adversari, sed frustra, ut nobis videtur. At dubitare non licet hos sanctos viros, si temporibus nostris vixissent, festum Conceptionis vidissent ubique receptum, novissentque decreta conciliorum, SS. Pontificum, novas theologorum dilucidationes et innumera testimonia ex omnium ecclesiarum traditionibus excerpta, aut aliam suspecturos fuisse sententiam, aut suam mutaturos. *Sanctus enim Bernardus* suam Epistolam ad canonicos Lugdunenses sic concludit: « Quæ autem dixi absque præjudicio sane dicta sint sanius sapientis. Romanæ præsertim Ecclesiæ auctoritati atque examini totum hoc, sicut et cætera quæ ejusmodi sunt, univera reservo: ipsius, si quid aliter sapio, paratus judio emendare. »

Hinc inferimus textus *S. Augustini* et *S. Hieronymi*, quos multi auctores in gratiam immaculatæ conceptionis

referunt, aut de peccato originali non intelligendos esse, sed tantum de actuali, aut saltem non esse claros, alioquin *S. Bernardus* et *S. Th.* eos non ignorassent, et illos cognoscentes, contrariam opinionem non defendissent.

Circa hanc quæstionem, de qua plurima prodierunt eximia opera, utilissime legentur doctæ dissertationes card. *Lambruschini*, R. P. *Perrone*, paucis abhinc annis editæ, et recentius opus R. P. *Guéranger*, abbatis Sollemensis.

ARTICULUS QUINTUS.

DE PECCATI ORIGINALIS EFFECTIBUS.

Alii effectus peccati originalis respiciunt præsentem vitam et alii futuram.

In præsenti vita, alii spectant ad corpus et alii ad animam. Effectus hujusmodi peccati quoad corpus, sunt: 1º mors, quam Deus, prohibendo homini ne de ligno scientiæ boni et mali comederet, minatus est; 2º miseriae hujus vitæ in numero prope infinitæ, quæ, velut cohors satellitum diaboli, vitam humanam continuo lassent, donec eam destruant; sunt enim appendix mortis per peccatum introductæ, et certum est, primo parente in justitia originali perseverante, hanc miseriarum catervam non exstittisse.

Effectus peccati originalis quoad animam in hac vita, sunt: 1º concupiscentia, seu illa vehemens ad malum proclivitas, cui nascimur obnoxii; 2º ignorantia qua omnes laboramus, ita ut mens nostra ne advertat quidem quid boni sit agendum, quid mali fugiendum, et sibi derelicta, in perpetuas incidat allucinationes; 3º voluntatis imbecillitas, qua fit ut bonum propositum sæpe non audeamus concipere, et sæpius a concepto tam facile recedamus. Quamvis fingi possit status naturæ puræ, in quo homines ignorantiae, concupiscentiæ, saltem in aliquo gradu, et miseriis stricte obnoxii fuissent, nihilominus ex revelatione constat hæc omnia, in præsenti rerum ordine, peccati originalis esse consecutaria: *Quoniam Deus*

creavit hominem inextirminabilem, et ad imaginem similitudinis sue fecit illum: invidia autem diaboli mors intravit in orbem terrarum. Sap. II, 24.

Circa effectus peccati originalis, quoad vitam futuram, aliquid est certum, et aliquid dubium.

Certum est peccatum originale a regno cœlorum excludere, juxta hæc verba Joan. III, 5: *Nisi quis renatus fuerit ex aqua et Spiritu sancto, non potest introire in regnum cœlorum:* id fatebantur Pelagiani de ipsis parvulis sine baptismo decedentibus. Sed illis tribuebant vitam æternam extra regnum cœlorum, non explicantes in quo hæc vita æterna consistaret, an in visione Dei beatifica, an in quadam beatitudine naturali. Probabilius videtur eos beatitudinem naturalem in mente habuisse. Cæterum errabant fictitiam inducentes distinctionem inter regnum cœlorum et vitam æternam simpliciter: in eodem enim capite Evangelii secundum Joannem, quod dicitur regnum celorum, vocatur etiam vita æterna, nempe v. 16, ubi legitur Deum dedisse Filium suum unigenitum, *ut omnis qui credit in eum non pereat, sed habeat vitam æternam.* Ergo.

Dubium est autem quis futurus sit status eorum qui cum solo peccato originali decedunt. De hoc in sequenti paragrapho.

§ UNICUS. — De statu eorum qui cum solo peccato originali decedunt.

Cum fides christiana id unum doceat, scilicet, solo etiam peccato originali maculatos a regno Dei, ac proinde a vita æterna proprie dicta exsules semper mansuros esse, sapientius fuisse nihil ultra inquirere; hinc enim sufficienter patet, 1º nos æternas Christo Salvatori nostro debere gratiarum actiones pro immenso redemptionis beneficio; 2º valde necessarium esse baptismum, etiam parvulis; 3º ex statu futuro parvulorum sine baptisme decedentium incassum argumentari incredulos contra religionis christianæ veritatem, quasi teneret dogma boni-nati et justitiae Dei adversum; cum enim vita æterna sit

in ordine supernaturali, homo nullum habet jus, ex natura sua, eam consequendi, sed tantum ex beneficio Dei: porro nunquam demonstrabitur repugnare filios, ob culpam patris, a beneficio gratis præstito excidere: ergo.

Attamen theologi, de sorte parvulorum sine baptimate decedentium forte plus æquo solliciti, simul et ad hoc incredulorum difficultatibus incitati, futuram eorum conditionem assignare conati sunt, et in varias abierunt sententias, ut fieri solet in rebus obscuris.

Prima eorum est qui contendunt hujusmodi parvulos poena ignis, sed mitissima, in æternum cruciandos esse: ita *Gregorius Ariminensis*, generalis Augustinorum præpositus, anno 1337 vita functus; *Sylvius, Petavius, cardinalis Noris, Lherminier, Henricus a S. Ignatio, Theologus Lugdunensis*, etc. Defensores hujus sententiae innituntur textibus Scripturae in quibus agitur de vivis et mortuis in duas classes tantum divisis, plurium SS. Patrum et præsertim *S. Aug.* testimonio, et concilio Florentino, in sessione ultima statuente (*Labbe*, t. XIII), « illorum animas » qui in actuali mortali peccato vel solo originali dece-» dunt, mox in infernum descendere, poenis tamen dis-» paribus puniendas. »

Secunda sententia docet parvulos cum solo peccato originali mortuos, quamdam habituros esse beatitudinem naturalem, in naturali Dei cognitione et amore fundatam, atque post diem judicii in quadam paradiso terrestri vitam perpetuo beatam acturos, plenos sapientia et virtutibus, sua sorte optime contentos, Deum toto corde diligentes et laudantes, Angelorum denique consortio et revelationibus sæpe fruentes. Ita *Catharinus*, dominicanus, qui concilio Tridentino adfuit; *Albertus Pighius*, et postea cardin. *Sfondrate*, in libro cui titulus: *Nodus Prædestinationis dissolutus*, anno 1696 Romæ typis mandato, quem *Bossuet*, cum quatuor aliis episcopis, *Innocentio XII* denunciavit per longam communem epistolam inter sua opera extantem.

Hæc sententia procul rejicienda est; 1º enim natura sumus filii iræ, filii diaboli, immundi, peccatores, ut ex

Scriptura et SS. Patribus constat : at repugnat filios iræ, filios diaboli, immundos et peccatores beatitudine naturali in quodam paradiſo terrestri, perpetuo fruituros esse. 2º S. Aug., de Anima et hujus origine, l. 4, cap. 9, n. 11, sic ait : « Non baptizatis parvulis nemo primitat inter damnationem regnumque celorum quietis vel felicitatis cuiuslibet atque ubilibet quasi medium locum ; » hoc enim et hæresis Pelagiana promisit. » 3º Concilium Florentinum supra relatum dicit animas eorum qui in solo originali peccato decedunt, pœnis disparibus esse puniendas : animæ autem quæ beatitudine naturali gaudent, vero sensu non punirentur : ergo. Unde Bellarminus, de Amissione Gratiæ, l. 9, cap. 2, n. 4 : « Fide catholica tenendum est parvulos sine baptismo decedentes, absolute esse damnatos, et non sola cœlesti, sed etiam naturali beatitudine perpetuo carituros. » Idem habet Bossuet, *Défense de la Tradition*, l. 5, c. 2, et in Epistola ad Innocentium XII.

Quia tamen Ecclesia opinionem Catharini et cardinalis Sfondrate nunquam expresso judicio profligavit, stricte dici non potest ejus defensores esse hæreticos.

Tertia sententia eorum est qui tenent parvulos sine baptismate morientes, nulla quidem fruituros beatitudine naturali, sed de illius amissione nullum perceptueros dolorem neque internum, neque externum. Sic S. Th., quæst. 5, de Malo, art. 1, 2 et 3, et in 2 Sentent., dist. 33, atque, post ipsum, multi scholastici.

Quarta sententia tenet infantes sine baptismo decedentes, poena sensus non esse plectendos, sed perpetuam habitueros tristitiam de ammissione beatitudinis ad quam in origine erant destinati. Sic Bellarminus, in libro citato, cap. 6 et 7 : plurimis nititur testimoniis S. Aug. et S. Gregorii, atque sic ratiocinatur : In die judicii infantes peccato originali maculati, multos sui generis, et fortasse parentes ac fratres aspicient in celum cum ingenti gloria ascendere, se vero perpetuam ab eorum glorioso consortio, cui erant destinati, exclusionem passuros : at impossibile videtur eos aliquem non percepturos dolo-

rem de tali exclusione, nisi dicatur illos ad naturam rerum non sentientium reducendos esse ; quod certe admitti non potest : ergo.

Posterior haec sententia communius tenetur et probabilius videtur : in ea facile explicantur decretum concilii Florentini et pleraque sanctorum Patrum testimonia, damnandos atque puniendos esse istiusmodi infantes pronuntiantia.

CAPUT SECUNDUM.

DE PECCATO MORTALI ET VENIALI.

Peccatum mortale illud dicitur quod gratiam sanctificantem destruendo, mortem animæ affert, et pœna æterna hominem reddit dignum. Per peccatum autem veniale illud intelligitur quod gratiam sanctificantem non destruit, sed tantum ejus operationem minuit et ad peccatum mortale disponit.

Quæritur in hoc capite 1º an peccatum mortale et peccatum veniale essentialiter differant; 2º quibus signis unum ab altero secerni possit; 3º an et quomodo peccatum ex genere suo mortale fieri possit veniale, et veniale mortale; 4º quinam sint effectus peccati mortalis, et 5º quinam effectus peccati venialis.

ARTICULUS PRIMUS.

AN PECCATUM MORTALE ET PECCATUM VENIALE ESSENTIA LITER DIFFERANT.

A nemine negatur dari peccata ex natura sua mortalia; verum Wiclefus, Lutherus, Mélanchthon et Calvinus docuerunt omnia peccata ex natura sua esse mortalia atque damnationem mereri, sed misericordia Dei non imputari prædestinatis, sicutque, licet gravissima, fieri venialia, dum levissima in reprobis manent mortalia. Eundem errorem docuit Baius.